







一 府君安人胡氏

愷七十一公附右





萬十一府君墓銘

葵之東隱君子曰蔡君諱渠字純之別號澹川世家盩厔平陽政  
和四年有射浙第一人曰季遠職授東陽簿事因家焉遂爲東陽  
人曾大父曰坤卽季遠幼子也大父曰雲父曰源皆以布衣終至  
君自分生於衰世復不樂仕進雖能讀墳典百家言惟取自潤而  
已君丰姿秀朗性穎悟尤善計然筭諸橐盈堵積而能散故人咸  
倚爲惠負郭之區無問知與不知皆稱長者云端平乙未郡守必  
愿趙公嘗立淳良頑慢二籍察次民行以示勸懲府君名繫淳良  
首籍加褒賞特厚府君幼與同邑喬行簡友善及簡居平章乃爲  
詩招之曰論心稱刎頸久矣薄秋雲又日月落空梁下還疑照

君遂如京師適遇朝廷以九月辛未有事於明堂是雨



言  
彘天丞相並策免府君嘆曰天譴當修人事以應其譴  
庶或叶吉奈何以策免賢良爲答譴乎時上雖獨名行簡畱拜  
丞相而府君已無意長安五斗矣遂踉蹌歸淳祐壬子六月久旱  
之餘忽致大水嚴衢台處等州同日漂蕩死者萬數府君時寓郡  
城幾危獲免人謂府君積善之報天有知也寶祐甲寅閏六月偶  
興一疾痛念家雖就緒祖派未譜恐遂是不起無可垂示子孫迨  
數月幸瘳卽以季遠公爲始遷祖立成一譜事雖草創亦公垂裕  
之遐軌也逾年後遭宋元兵火因就產於永寧長塘家焉公娶路  
西胡氏舉三子長曰謨仲曰諮季曰諭生宋開禧丙寅九月二十  
二日卒至元癸巳之臘月也享年八十有八可謂壽考繼祺者矣  
以年月日葬白鹿峯前箬尖山之原



銘曰

其居熙也其行施也蹈正履中自信不疑寤言歌之其馨也希于  
嗟君兮尚欲誰知


後學潘彥亨撰







四百府君暨朱氏安人




皇朝通志卷之四十四

道光





右墓坐本都大茂六保計山二畝零戌山辰向兼乾巽三分





百四府君墓表

公諱謨字仲規姓蔡氏吾婺永寧人也蔡氏在平陽者實其世家而永寧之有蔡南渡後始著蓋由季遠建明經赤幟始係東陽籍而公則其六世孫也公美英姿能強記書數過卽成誦侗有大志鄉譽籍七歲期以儒術發身一旦籛然曰干戈滿地時事可知且吾親老在堂而遠遊乎未幾厓山告變國祚遂移府君因北向俛首悼曰時事遂若此予不得稱衣冠世人物矣雖然其以宋逸民終乎昔陳希夸有言曰賈馬作相天下亂及咸淳中賈似道爲平章馬廷鸞爲右相而襄陽始被兵其云一汴二杭三閩四廣興衰播遷次第皆驗是固天數有在實則人情可悲者也予世戴宋恩能憇然覩斯變耶因悲鳴泣下及至元卯辰間元運已開初七




制作百度咸興或以利害之機質于府君府君曰天命既以歸人  
事復何議予宋逸民也且以布衣而論朝廷寧無罪乎自是兵戈  
漸息人得定處府君屏居不出日程課三子聞仁山金文安公學  
得其真領往從焉後三子俱以文學顯爲一時冠長恩澤辟本邑  
儒學齋諭仲德澤補儒學齋長季天澤辟麗澤書院山長主東萊  
祠公沒山長持其狀來曰先墓之柏拱矣未有以表之敢以不朽  
累予爲序其概云公生寶慶乙酉五月初六日卒於大德己亥五  
月二十日娶赤崖朱氏以某年某月某日合葬大墓之原因表而  
出之

後學黃潛撰



百六府君暨郭氏安人合墓



皇朝通志卷之六十一

道光癸未重





右墓坐二十都大墓 保計拍田二分五釐

百六諱詔字仲謀


萬十一公次子生宋紹定己丑七月十三日卒元大德壬寅八月  
廿四日娶長衢郭氏生紹定戊子正月初二日卒至元己巳十  
一月十五日卒合葬二十都大墓之原生三子潤澤元澤仁澤

皆

至元癸酉冬月上浣之吉




崇二府君暨郭氏安入合墓



卷之二

道光癸未修





右墓坐十七都金釵四保計山十畝正坐丙向壬





附載

崇二公十七都四保山約

立約家長和百四等因

始祖崇二府君厝墓十七都四保土名庵山櫻桐園等處共計墳山一十畝正向因墓下助葬背收墳山今值丈糧方知常山缺少衆議一應助葬者止畱墳金其一應樹木俱歸常管自議之後十畝墳山之內並不許再助違議者呈告不貸此約

山內脚柴三年一拚以爲糧役之費其十畝之外平地一畝任憑仲良照號收管

計開東南四至

東至一百八十四號南至崗峯西至樺木山北至一百九號



一樣十紙 希份 萼輝 爾英 希進

伯德 爾玉 仲良 君嘉

厚之 伯斗 一鳴 蘇如

茂貴 絲卿 爾愛

康熙五年六月 日立約家長貞房和四百四 汝化 君照

廷獎 乾甫 展如 峙宗

伯鳴 爾璧 君文 君善

伯純 伯暎 君聘 羽君

伯樂 承鄉 君美 祭可

此約恐其久而遺失故各載之圖後庶可永遠存照

墓下孫合記



儒學齋長崇二府君墓銘

君諱德澤字仁甫號益齋姓蔡氏婺之東陽人其先由溫之平陽來遷曾大父源大父純之學篤有文父仲規承父休韻以經術教子君幼卽嗜學出天性不賴提益而進之銳如兄恩澤嘗爲儒學齋諭旣故掌鐸者知齋諭有季以經學蜚聲舉補弟子員尋推爲進德齋長元有天下州郡之政條格未備齋長亦隸教肄業日與羣弟子搜抉經史精與求經制之畧遇有得抄錄盈帙以資進用及戰詞塲霜蹄屢蹶羣英惜之公曰天也何尤其在庠舍每貢士輒讓行輩故又湮沒于庠永性孝友亟署得一美味必進奉重慶下設或未遣不自輒食撫兄遺孤及衆子姪可數十人堂從一心同炊共汲畧無間意至元中奉大父與父遷居永安里築室置田



整輯門戶日有程式矣不幸享年未永以大德乙巳六月初七日  
卒於家墓在十七都後黃庵之原配永寧郭氏子男五人心遠心  
傳心泐心太心實孫男十八人女三壻趙守安社巨源胡必大皆  
簪纓家兒越卒之五年其孤心遠奉君狀謁予誌銘且曰傷哉幼  
也父死不能襄喪事尚賴叔父周理也傷哉幼也不能事先君子  
地上庶有以慰先君於地下乎余傷其志因按其狀而爲之銘


銘曰

黃離內吉日懋于德也不務侈於施退遜之迹也不終墜其韻志  
銘於石也

天台周仁榮撰



崇三府君暨陳氏安八合墓



崇三府君暨陳氏安八合墓

道光癸十

一修





右墓坐落十五都孫塢又名蓮塘二保比字一千一百三十八號

內計拍柴山三分正坐卯向西


側室四氏附墓前

附

義二十九府君

誠一百三十七府君

敬六十九府君





麗澤書院山長蔡君墓銘

東陽蔡偉以書介其壻國子學正胡君伯玉徵予撰其先君山長公墓誌曩嘗會山長於京邸識其南金赤箭終非州里所蔽才高氣邁精敏開博詎肯爲歲月所惱也春秋少予數年車方騁途而輟仆故交淪謝尚忍爲銘哉天澤明朱氏四書宋南狩未慶元以後道學之脉幾絕之韓侂胄爲相也當時非謝深甫朱子之禍莫測而蔡西山貶矣朱子遂丐主祠至穆陵世黜秦韓餘黨以程張配享夫子庭廟表章朱子四書禁錮之患熄而宋亦亡矣元氏得國北方學者許魯齋姚牧庵得朱子之說一時髦俊爭相表倡銷時俗罷兵之習革乾坤沴祲之氣表途藁蒙若在芟闢何其幸歟君在大德中伯仲自相師友朝夕磨礪以程楊朱張之說莫不信



向相從力守相得况東陽爲呂伯恭遊寓之地途轍之正門戶之  
廣有足者可履也以君英毅疏竦之質資之深驗之熟患於不際  
其時不患不適于用元舉任麗澤書院山長以奉東萊先生之祀  
衿佩相從於橫經之下隨問而荅各克其量如羣鼠飲河莫不飽  
腹而去婆稱多才學古之士良有以也丐年歸後尤力於樹家撫  
其兄之子婚娶旣畢聯昭穆而食者至終其身士林莫不歆艷君  
生景定庚申二月廿九日以太定乙丑八月十六日卒於正寢享  
年六十有六配蔣氏塋於本鄉十五都蓮塘之原子男五人偉信  
侃佐佑孫男十二人孫女三人父仲規與時彥交大父純之蓄才  
不仕其先唐末由河南遷福建又遷平陽由平陽來遷慶澤之延  
蹈履之煩茲不盡舉擇其大者書而爲銘



銘曰

南有蔡氏陳畱來遷三山惟盛赤湖莆田薦分安固平陽指千幼  
學必勝篤生二賢爵紱之榮兵書光祿分支東陽亦世其躅昆季  
聯芳紆朱佩玉君生固內彞倫克篤孝義振華纓綏所歸甄陶成  
化士類咸依孫謀既裕吮膏含腴考德諮行墓門巍七

宣城貢奎撰

江山儒學教諭竹澗蔡先生墓誌銘

東陽竹澗蔡先生既厝之五年厥嗣伯思不遠數舍里稽顙於金  
華之鬢宮手具遼陽學正胡君伯玉所爲先翁行狀丐余銘墓石  
予與伯玉交亦殷先生爲伯玉外舅義不可辭謹狀而叙之先生  
諱偉字汝器別號竹澗性質純誠氣資粹敏冲齡就外傳業羣書



過日輒成誦爲文賦浩亡迅奔不可禦比長學於家庭厥考後村  
翁嘗爲麗澤書院山長崇明正學蓋濬朱呂之源而揚其波者故  
先生所得益粹所造益淵舉至元鄉進士上第雅不欲宦于朝乞  
授衢州路江山儒學教諭至則端矩範明教術士類多所造就翁  
然有聲考滿抵中都冀還儒職時晉卿黃先生在内翰極加延譽  
遂偕危公素薦於中書許公有壬將大用之先生因私念曰吾爲  
儒學官亦仕祿而以道義淑諸人耳若就外廊署日夕稽首平生  
所學何爲而可若是耶蓋不以今仕爲屑也遂兩疏乞歸田里黃  
先生畱挽貞志不可還因繪挂冠圖以革其行時論甚躋旣歸卜  
築小園於家西一里許誅茅代石種竹引泉因號竹澗老人作書  
抵遼陽謂其婿伯玉伯玉感公志亦颺然西歸從公杖履訂顏其



軒曰隱趣旣而伯玉畱居焉益植花卉竺樹垣者闢之室者恢之  
制愈宏而賞愈勝先生不能復覩者七年矣嗚呼伯玉能以先生  
之隱終其志而先生不能以伯玉之趣卒其情豈亦偶于會而奇  
於數耶先生距生前至元丁丑卒於至正壬午享年六十有六配  
同鄉孫氏宋秘書郎祔曾孫女先<sub>七</sub>生卒合葬本鄉蓮塘山之原  
子男一仙亨卽丐銘者女一適遼陽儒學學正同邑胡璋乃太常  
博士純白先生冢嗣卽伯玉也竊余累名干祿欲匡時以伸所志  
不能而職教於婺<sub>七</sub>爲文獻淵藪與賢互往復淑人之道光而素  
忱亦少遂矣若相時遯世之志日諸先生寧無愧憾也執筆以銘  
所感深矣


銘曰



先生宦散吏以正學誨諸人而抽黃對白者僞也辭


朝以高志晦諸身而紆朱拖紫者愧也鹿峯之翠蓮塘之碧而靈  
莫於斯不昧也碑墨之紀汗青之照而名現於茲不墜也

鄱陽朱公遷撰





賢五副使暨呂氏夫人合墓





右墓坐落本都土名龍頭山常山一處

六保 四百九十八號 民山二畝正 業主賢五

四百九十六號 民山一畝六分正

五保 五十二號 民山二畝五分 業主賢五

四百九十九號 民地八分九釐三毫土名同業主賢五

五百號 民地七分六釐三毫 今業主賢五

又祀田一處土名樓下塘下田十八秤子孫輪流清明值祭其田糧收入賢五戶常納其田文契光琦收執

附葬

均一百七十一府君 吳氏安人

仁二百七十七府君 王氏安人





和三百四十五府君朱氏安人

和三百七十八府君胡氏安人合墓之墓十六都八保四十七號

土名櫻桐潭計官田一畝三分八釐今業蔡浩甫其糧國欽戶

投納十八都二保四百四十一號土名大塘下曲十八計五田

九分六釐三毫今業郭公甫井頭坵與斯宗甫田便田其糧各

管自業元鑿戶投納



替白... 不... 變... 只... 一... 條

大... 公... 家... 以... 公... 家... 以... 公... 家... 以...

大... 公... 家... 以... 公... 家... 以... 公... 家... 以...

士... 公... 家... 以... 公... 家... 以... 公... 家... 以...


味... 公... 家... 以... 公... 家... 以... 公... 家... 以...

味... 公... 家... 以... 公... 家... 以... 公... 家... 以...





賢二十府君錢氏安人合墓





右墓坐落十八都錢庵二保一千一百九十號計山四畝正

東至塍 南至路 西至千百九十四號 北至崗

其糧坐落良祥戶下投納

安葬

福廿四府君 朱氏安人 張氏安人 林氏安人

良六十七府君 蔣氏安人





竹外府君墓銘

府君諱儼字汝誠號竹外行賢十一曾大父諱渠讀書修己創業  
乘裕爲永寧長塘之始遷祖大父諱謨學富隱於時謨長男恩澤  
邑庠齋諭仲德澤邑庠生爲進德齋長季天澤麗澤書院山長以  
善訓皆成儒學齋長五子而府君行居末能以道事諸兄稱弟上  
不戾於所尊稱孝言行皆有繩尺好善如膏梁之適口故身恒寡  
過幼習舉業以承家學卽有懸梁刺股意嘗讀至丙夜人或聞雞  
警枕將賦星爛矣府君猶呬唔弗輟也乃阨數奇終不得青其衿  
人皆扼腕厥後一經課子以父兼師嚴慈並用視世之徒諳紙牘  
者奚啻霄壤娶錢氏生四子長曰尚亨二曰征亨曠主簿三曰元  
亨四曰英亨本鄉萬戶孫六文滄文澣文澧文洄文瀾文洧府君



生前至元辛卯十一月十九日卒至正乙巳正月初四日享年七十有五葬於十伏都錢庵西山

銘曰

隱君之封胡爲之崇七世之壽胡爲之厚緬惟一德足垂不朽青史秉筆銘爾於幽庶其克昌厥後

元按察司僉事李齊賢撰

福廿四處士墓銘

府君諱元亨字仲善其先出自姬周封國後國滅子孫以蔡爲氏至唐末大亂有乾三府君者自故都河南徙閩而溫及宋時又徙東陽則季遠公乃始遷祖也至府君凡九世府君曾祖諱謨生宋末藏器不用祖諱德澤以力學聞爲邑庠進德齋長考諱儼樸素



自守行義于家府君以善性承其後溫潤寬厚簡敏貞良學多究  
悉才不推用殖貲貨以備所需拓沃土以課力穡建廳堂以遺安  
居其勞于已而逸于後功則懋焉仲兄季弟以義勇立功受齒于  
朝廷府君厠跡其間獨隱不出大書忠愛二字揭扁于廳事不特  
勵亡抑且警人後府君以業富家裕獲吉至晚年無可議也生至  
治辛酉三月廿七日卒洪武癸亥十月廿一日娶烏傷赤岸朱同  
知女無出繼娶張氏生二子文澣文瀾又娶林氏生一子文洧拔  
貢生合葬十八都錢庵西山

銘曰

惟養之晦以尊生惟居之安以篤承惟忠與愛宅乃心食報豈必  
於其身

按察司副使馬廉撰



彥遠處士蔡君墓誌銘

予遊東陽至蔡氏第有達者季寧季通欵洽信宿乃告曰先世彥遠處士在日實宗黨翹楚偉人也遲世二十餘載矣碩德令聞昭也在人耳目第墓碣未文世久必成泯沒斯實不孝者罪茲願乞於先生苟或弗吝則先人爲有光而地下不朽矣予顧菲才烏足以銘君子之墓然孝子慈孫之情不可無慰乃徵其狀知其先自河南光州固始遷閩由閩遷浙之平陽至宋末有季遠復遷東陽歷六世而生崇二齋長諱德澤又二世而生忠六二上舍諱文洧卽處士考也上舍卒於南雍輿襯歸生業悉以屬處士處士克承厥武立綱陳紀凡歲時伏臘皆有法則立心公恕不忌刻抱氣剛介無脂韋涇澳之態里有紛擾輒爲解息一以理之盈縮爲是非



宗人有訟則召至以善辭諭之不率始加峻厲終剛不服仍爲設  
酒食以獎其能從古貌長身鬚髯如戟雙眸炯々類河朔大俠款  
客必出精潔羞髓客罔不得意去然諾不侵一言鄉閭倚以爲重  
及病革之日命諸子孫咸集諭之曰人死固不免吾有汝年六十  
餘汝兄弟皆老成諸孫長大繞膝吾復何憂亦不庸囑矣言旣而  
終時成化戊戌十一月廿六日也生洪武戊寅二月十一日距此  
享年八十有一配同邑蔣氏先處士卒合葬本都錢庵山之原生  
八子宗鑄宗銀宗鐔宗鎡宗鑑宗鎮宗銷孫男二十七人孫  
女一適義烏虞寅曾孫男女螯々繩々况創垂洪業顯在嗣守特  
以懋德異行足垂後者筆而爲之


銘曰



惟翁之封石門壁立惟翁之嗣螽斯蟄也惟翁之德將與天而罔


極

烏傷王汝撰





福四府君娶慶二上舍女合墓



皇朝宗譜

光緒癸未重修





右墓坐落十七都土名外金釵

四保 一百八十四號 拍山二分

附葬

均三十八府君 張氏安人


仁三十九府君 呂氏安人





忠一 副使 暨 陳 氏 夫 人 墓

福四房



皇朝通志卷之...

道光癸未重修





右墓坐落本都二保土名蘭坑前山頭積七百八步

五百四十八號 民地八分六釐七毫今業蔡祖賓

東至五百四十五號 南至五百四十七號

西至五百四十九號 北至五百四十九號

附葬

忠十二府君 葛氏安人 二穴

良二府君 樓氏安人 吳氏安人 三穴









右墓坐落本都土名牛欄山

六保 四百六十四號七代祖安厝

良十二府君胡氏安人

均三十府君張氏安人

仁十六府君陶氏安人

和三十三府君王氏安人

誠八朝奉 胡氏安人

敬三十七府君樓氏安人合葬牛欄山坐南朝北

此圖與愷大房合圖





忠二十府君墓誌

府君諱文深希本其字福四公第三子也生後至元乙亥六月初六日卒洪武乙丑九月廿八日安人烏傷虞氏至元乙亥三月初四日生洪武丙寅三月十二日卒合葬本里眠犬山已歷十世數懿德佳行莫得而徵于稽原譜中載有世德叙友怡記詩賦篇章則其人其學其行已班班足徵矣且族向來宗譜修輯重編亦府君首其事也其有功世系豈淺鮮哉故今孫曾濟楚方來當有邁夸而亢宗者如義行十世孫洪佐值今重修家乘再刊塋圖以記行實亦可稱嗣孫之賢者矣爰爲誌

康熙十九年十月之吉


忠六十二上舍九世孫庠生振代識







忠 六 十 二 府 君 墓 圖




忠 六 十 二 府 君 墓 圖

光 緒 癸 未 星 修





右墓坐落本家屋側土名墳頭計地一畝坐三向乙





上舍忠六十二府君墓誌銘

東陽蔡彥遠奉其先君子上舍公事迹謁寓館告曰先君劬志邑庠不幸未釋褐而沒抑志于九泉不肖孤糜俗務昧於揭潛之道聞有以墓石鐫者爲之俛首媿幸執事寓弊址苟不是畱恐爲里彥陋以爲先君不足錄而與沉冗者同其斯燼將何以稱人子哉余聆其語若不可已者遂按其狀而序之君諱文洧字原濟蔡爲姓其先由溫之平陽來遷曰季遠公君爲季遠公十世孫也父仲善母朱氏君貌秀岸自幼有操畧能記憶文字爲一時里社冠遂補邑弟子員永樂甲午選貢太學交天下碩人魁士見聞益富以資歷任內庭稽臧弊定得失朝常時務巔末備悉凡三載授職在邇不幸以疾卒于太學上舍宮享年五十有一生洪武戊午九月



初一日距宣德戊申二月十一卒葬本里墳頭山之原配本邑徐氏分葬於大墳山生五子彥遠彥材彥阜彥進彥榮二女本邑趙孟基周惟魯其婿也孫男十九人曾孫男三十一人君沒三十有五年銘君之墓庸何緩事矧君沒後宗祚日熾蘭榮竹茂子孫羅侍莫不知廸惟前人光蓋君雖歎於年底燾蓋在是也銘以彰之固宜

銘曰

生緝巨業穎脫人前觀歷政典鳳逸鵬騫有子克家令譽是傳委骨泉下夫何憾焉

烏傷孝莊王 稔撰



忠六十二公祀田坵墾

田一坵 八十秤

土名大墳山後

田一坵 五十五秤

土名葛宅忠臣廟橫頭

田一坵 共一百廿六秤

土名同

田一坵 六十秤

土名葛宅衙橋下

田一坵 六十秤

土名同

田三坵 四十秤

土名同

田一坵 十八秤

土名點燈塘下

田一坵 十二秤

土名同

田二坵 四十秤

土名葛宅高塘下

共田四百九十一秤



田一坵 八十秤

黃

二



山一片

土名大墳山

山一片

土名蝦蚣眼

山一片

土名木魚山

點燈塘一口

土名葛宅水口殿邊

楓樹塘一口

土名葛宅路沿

又同小塘一口


土名塘下

田作地三十畝葛宅高塘下





徐氏安人之墓



皇朝地理志卷之...

道光癸...


王修





右墓坐落本家屋後土名大墳山飛鳳翼下穴


忠六十二徐氏安人





長五府君安人陳氏墓圖

福四房



皇朝宗譜

道光癸





右墓坐落本都一保土名衙橋裏大地塔

四十五號 拍民地三分一釐

附葬

愷四公

安人劉氏

愷八公

安人胡氏

愷十七公

安人王氏

愷十一公

安人虞氏

仁六十五公

安人龐氏二穴

敬四十四公


安人韋氏





良七公墓之圖

福三房



良七公墓之圖

道光癸丑

修






右墓坐落十七都土名王龍山

共墳十二穴





墓合氏葉入安暨君府七十四良庭崇



皇朝七十四卷

道光癸未 二修





右墓坐落本都土名金家墩 計民地二畝六分

敬七十府君暨劉氏安人附左

和五十九府君暨蔣氏安人附右

和七十五府君 蔣氏安人 敬十四府君 張氏安人 誠

四十府君 張氏安人 敬四十八府君張氏安人 義二十

二府君 俱附右

誠六十四趙氏安人

敬百六十三府君 韋氏安人厝左

誠三十三府君 杜氏安人厝左


敬十八府君徐氏安人 誠六十府君 俱厝左

敬六十八府君 蔣氏安人





墓合人安氏蔣君府七千六頁



皇朝通志卷之三十一

道光癸

二修






右墓坐落十八都錢庵二保一千一百九十號計山四畝正

東至塆 南至路 西至千百九十四號 北至崗

其糧坐落良祥戶下投納





良六十七公祀田坵墾

田一坵 一百廿秤

土名八兒塘下坛口坵

田一坵 廿秤

土名同

田一坵 廿秤

土名水口佛堂後

田一坵 四十秤

土名葛宅屋後丁大塘下

田一坵 五十秤

土名葛宅高塘下

田二坵 十秤

土名外屋山

田三坵 四十秤

土名橋頭四十

田一坵 十秤

土名白峯水碓前

地一片 十五秤

土名同

共田三百十秤




山一處

土名竹蓬尖


塘一口

土名八兒塘





忠房良七十一府君暨安劉氏合墓



忠房良七十一府君暨安劉氏合墓

道光癸未夏修





愷一百府君李氏安人

右墓坐落宅後土名馬家大墳山良七十一府君名應墀字彥興忠  
六十二公第三子也生洪武壬午十二月二十日卒景泰壬申十  
二月初二日安人劉氏生洪武丁丑十一月初三日卒無據古傳  
所謂塘坵之祖是也并府君第四子愷一百十一府君諱宗鎮字  
孟樺生正統丙辰正月廿一日卒正德庚午六月十五日安人李  
氏生宣德癸丑十二月二十日卒正德癸酉九月廿二日並窀穸  
茲山向無塋圖至今敬行已歷八世墓孫國拱國初等慮世遠難  
憑議立右圖以爲承先啟後之計


告

康熙歲次庚申九月望前

九世孫土方茂發同記



氏趙氏厲人安暨君府六十七良駟



皇朝通志卷一百一十五

道光癸未年修





均一百七十五府君呂氏安人

右墓孫廷訐廷延等以歷祖向厝馬家大墳山今議立圖如右七世

祖良七十六公諱應坤字彥榮忠六十二府君第五子也生永樂庚寅十

月初十日卒成化己巳九月十五日安人厲氏生永樂丙戌六月初三日卒景泰庚午六月初三日續安人趙

氏生永樂辛卯六月初一日卒成化乙巳正月三十日合葬正穴

府君第三子愷百十五公名宗鋼字孟規生正統己未九月廿四

日安人李氏生正統壬寅十月廿八日卒俱無據附葬忠六二祖

妣墓左四世祖均百七五公名允傑字叔彥悌百四六府君次子

生宏治乙丑七月初十日卒萬歷戊子二月初八日安人呂氏生正德庚午五月廿二日卒萬歷甲申二月初七日附


厝七十六公墓左手敘列墓次以為子孫悠久祭掃之計

康熙歲次庚申九月

墓孫國端國熹同記



圖墓之君府八十愷



萬壽宮天示普

道光癸未里修





右墓坐落本都土名東崗

四保

四百七號

誠六府君

誠十八府君

誠三十二府君

誠四十七府君

戚比安人

計拍山一畝五分

敬十七府君

敬四十二府君


敬八十三府君

敬一百五十二府君





圖墓氏徐人安同君府九十八愷



皇朝宗氏宗譜

道光癸未里修





右墓坐落十五都土名程界園

附厝

梯一百六府君

安人王氏

均七十七府君

安人張氏

均八十八府君


安人胡氏

均一百六府君

安人胡氏王氏


均一百十九府君

安人劉氏張氏





圖墓之園界程：題



37



皇朝通志卷之...

道光癸未重修



右墓坐落十五都土名程界園計柴山六畝坐乾向巽

愷八九府君 徐氏安人

梯百六府君 王氏安人

均七七府君 張氏安人

均八八府君 吳氏安人

均百六府君 胡氏安人

均十九府君 張氏安人

仁百四十一府君 何氏安人

仁二百十府君 王氏安人

附記

愷八十九府君祀田于後





十五都五保

墳後屋後共一十三號計田八畝五分

十六都六保

四百三號田三分六釐 四百八號田七分五釐 七百五十二

號田八分三釐

十五都

三百十五號地一畝九分五釐 三百四十八號地四分 三百

六十八號地五分二釐 三百十三號山一畝九分 三百六十

八號山四畝五分一釐 四百號山一畝九分五釐 四百廿五

號山三分 九百五十三號山五畝六分七釐


孫兆叅有國立



康熙庚申孟夏

十八世孫國澄

彬重修









梯百四十九府君 孫氏安人

墓在家側大墓係

百四公常山





愷百三府君墓表

大明成化甲辰三月廿九日予友蔡君宗鏗以疾卒于家越十年其孤惟文等附公于大茂先塋之側迺奉狀踵門謁予文以表于墓予與先生有一日之雅雖不敏義何敢辭謹按蔡氏其先世居河南後乃遷閩及溫宋時有字季遠爲東陽幕官樂其風土因家焉遂爲東陽人公諱宗鏗字孟誌大父原濟公以選貢補太學生父應垌英偉有才畧母蔣氏公性質樸渾厚幼而美秀迥異凡流長而嘉聞克纘前烈初家田業甲于閭里至昆季八分其一尤能推以濟人事父母小心怡氣甚得子道遇宗族一以柔和不較爲尚里有勤穡事者公每稱不絕口其惰者愧勵恐遺笑於府君里人有疾赴祠擊鼓且酒食以獻名曰祛災公獨絕而不爲里中捨



佛多貲之家爭施財以華麗其居名曰種福公年四十無嗣曾不  
以一錢尺帛施捨邀福惟取伯兄之長子爲繼曰苟足以延吾祀  
亦安於命而已迨後生子惟文惟楊公方有成就二子之意惜乎  
一旦疾作弗興也公享年五十有六生宣德戊申三月初二日卒  
成化甲辰三月廿九日娶胡氏生宣德戊申五月初八日卒宏治  
庚戌三月初六日繼娶沈氏生宣德癸丑三月初八日卒成化丙  
午九月廿三日子三長惟樺卽伯兄之長子來繼者娶張氏次惟  
文娶孫氏又次楊娶張氏孫男七人炳炫珊鵬鶴燼焮孫女長適  
徐次適孫余以其事可以範俗是用揭之於墓以示來者  
宏治癸丑季春之吉


賜進士出身陝西按察司副使

潘璋謹撰



愷百十府君安人胡氏合墓圖

愷凡房



卷坟

道光癸未重修






右墓坐落十八都錢庵二保一千一百九十二號計山廿七畝

東至千百九十三號

南至坑

西至路

北至崗





愷百十處士蔡公墓誌銘

處士諱宗銷字孟義彥遠公之季子上舍原濟公孫初家河南遷  
閩遷溫最後遷東陽彥遠公八子處士特後焉妣蔣氏厭苦諸呱  
初娠處士欲不舉彥遠公忽夢一老父持旌謂曰予本里社神也  
汝廟建予也 以賢嗣報彥遠公籛然覺曰予業已厭苦子復何子  
爲然建壇賽祀食土者責予何辭焉於是遂有本社興龍祠之役  
時方用吉辰架棟而處士適丁是辰誕公曰嘻其疇昔之夢也耶  
遂舉之嗟也 人生有數向非夢兆于前則處士寧不亦隘巷寒冰  
寘也比長饒隱德薄舉子業不事孝弟力田其天性也彥遠公教  
頗嚴處士雖弱而見憐然侍之惟謹不敢失尺寸處士齒與二三  
兄長子相若處士雅與雍容晉接畧不爲校視二三兄長子澹如



也然二三兄長子卒不得有所加於處士而卑尊之序咸秩如矣  
箕裘之緒兄弟八分之不甚厚厥配胡氏所隨奩儀悉以佐箸躬  
爲儉約身秉耒胡氏紡絡朝夕不倦至祖居垣宇有不葺者祀田  
有不理者必捐橐葺之身爲理之毫無所假於諸昆也以故筋日  
益厚家田益起聲且其性和緩不苟取予忠實心足信一邑時饑  
閭里有爲不道強掠人稻穀者事覺人自相引玉石不辨其主曰  
必得某處士一言爲信故所逮有冤者處士皆爲出之其一言之  
重如此往歲余嘗道岷走白峯山下過公門公倒履迓之傾蓋間  
敬愛交切余心內賢之曰安所有隱德若斯人也夫若斯人也夫  
有德者必壽余方遐算公之齡何今年復拜公之堂而不覩公之  
容儀也嗚呼天道固難明耶然德之隱者往也而不於其身而於其



子孫則處士之不享於身安知不昌于後耶三孤持狀請銘以誌  
墓石夫予安能誌銘公也公有像刑曹正郎王公豸史桂公贊之  
又安事予誌銘爲也雖然以予習處士狀矣處士生宣德甲寅九  
月初十日丑時距宏治之戊午歲僅六十有五而前祠所架棟忽  
折處士曰必應我矣輒于是年九月初十日申時卒生卒咸一日  
所配胡氏同邑前山世家生男三長惟柳恂七有處士風娶東南  
隅宋信國端獻公十世孫葛氏次惟樛娶烏傷大元吳氏季惟樾  
娶永壽鄉王氏其英敏強幹視處士過之孫男九輝翰烙美樵恭  
滿鯨鯉咸如龍如虎長發之兆其在斯耶孫女二長適同邑李繡  
衣孫潛次適巍山趙燠以某年某月某日合葬于錢庵山之原

銘曰



世運將興必有達人蔡胄之達非公誰云協夢之吉兆于誕辰孝友篤誠金玉其純偃僂益恭循墻而行德既隱矣夫焉用文弗及身耀也 在後昆錢山之藏萬古其存


慈水王 霽撰

此處為多欄空白或極淡文字，因字跡模糊難以辨認，可能為原書內容或後人批註。



梯三十四府君暨安人王氏合墓

福四房



皇朝宗室普

道  
癸未重修





右墓坐落十八都土名錢庵二保忘字千二百九十一號計山一畝

六分正

均百十四府君 安人蔣氏盧氏

均百四十九府君 安人王氏


同葬

梯三十四府君左下

皆

康熙庚申歲長至後三日


嗣孫士方識





梯五十九府君安人氏合墓

福二房



皇朝宗譜

道光六年重修





右鄉進士季寬公圖合葬十七都土名郭山頭乙山辛向

計山三分正

晉

康熙庚申歲陽月上浣之吉

嗣孫得金士貴同識


查此墓號只有地畝無山歸戶





梯五十八府君坐午向子之墓

浪大房



皇朝宗譜

道光未重修





右墓在本都土名牛欄山

均七十一處士墓坐南向北 均百一府君墓坐丁朝癸

仁九十四府君墓坐南向北 仁廿四府君坐西向東 鄭氏之

墓坐東南朝西北 孫氏之墓坐辛朝乙 仁九十五府君坐南

朝北 前山圖在本都六保四百六十四號併四百六十八號共

計柴山二畝六分北至水坑東至坑潭西至和尚塘南至行路

宗橋內拍山一畝二分五釐三毫 均七一公祀田在本都六

保二百九十二號土名溪墘下計祀田二畝八分二釐一毫東

至派坵北至高塍西至九十田南至潭田水圳 孫氏在本都

七保七百廿四號土名妙山計柴山廿四畝南至行路西至上

東塘北至和八十九公山東至和八十九公山巖塔行路爲界



梯八十五府君墓誌銘

蔡氏孤允焯等以予抵其家卽悲悽惋悼前揖而告曰焯父先年嘗與先生接頗有直行蒙載之譜傳而不幸棄世塋事已畢敢求一言誌其墓而銘之予維處士之爲人養素林下綽有古人風度父孟愷公生三子處士其次也自幼聰慧器度不凡齠時卽有大志以繼志述事爲己責卒致家聲克振先德重光貽厥孫謀不以植業爲言惟以種德爲訓凡所建立足爲後世模範以至鄉曲交際辭色和暢謙卑巽順無驕亢意且勤以治家儉以勵己雖承饒洽自視欲如而又暗通醫術四方有遺疾者不計貧富有無皆爲之診療而起其死壽其歿焉噫處士誠林泉之高隱哉考終之日悲嘆者比比咸惜哲人之萎也處士諱惟楨字季璈生於正統庚



申八月十八日寅時卒於宏治戊午六月十五日丑時享年五十  
有八配東北隅李氏生男三長允烽次允炷三允熒女一適義烏  
華溪吏部尚書孫虞辰孫男十琳琳瑫等皆人傑孫女三長適安  
文陳駕部孫選次適八都柱石史孫李宗三尚幼處士卒之本年  
十一月廿一日出葬本都眠犬山之原誌畢而銘曰

賁于邱園高尚其志承先裕後仁孝備至律已待人敬而有禮配  
以令妻繼以賢嗣牛山之原風氣攸萃于萬斯年式之銘誌

嘗


正德五年歲在庚午冬十一月下浣吉旦

賜進士出身文林郎兵科給事中慈水克敬周旋撰文



後屋墓氏劉人安君府二世百梯

賢九房



五世宗譜

不重修





右墓坐落本都土名隔塘屋側

均百三十六府君 安人斯氏向大巖尖

仁二百六十府君 暨李氏人向赤家尖

和三百廿二府君 暨喬氏安人

和三百五十三府君 暨周氏安人向本宅

皆

康熙庚申陽月上浣之吉

十八世孫國申國盛國盈同記






海螺山二合墓之圖坐乙向辛

梯百世四府君  
葛氏安人

王氏安人  
梯百四四府君



鹿峰蔡氏宗譜

永重修





右墓坐落十七都土名海螺山六保四百三十一號計山十五畝

東至溪 南至地 西至田 北至溪 四百三十一號

民山一分正 東至路 西至地 南至地 北至路

附載十七都四保餘山

良字十九號土名溪路計民山六畝正東至山崗西至山崗南至  
廿三號北至山峯內茂喜拍七分季邦公缺七分茂喜男光瑞出  
賣朱姓於乾隆七年季邦公孫贖回二公均各拍半管業良字三  
十號計民山六畝正土名樺木山東至山尖西至三十一號南至  
廿一號北至山崗一百六十四號土名新路頂計民山七畝三分  
正東至六十五號西至坑南至行路北至山峯

已上三號共二十九畝三分俱二公各半輸糧管業



梯廿四府君墓誌銘

余與東陽繫多姻惟鹿峯蔡氏稱舊雅而他則或以宦成得之者  
故余德蔡氏獨深焉日者余從遊紹興道經渠門見所謂懷鹿者  
寬然長者也姿容豐美器宇溫文真若富貴佳客卜夜款余行  
以一騎驢將姻誼懇乞感曷忘之越嘉靖乙未余幸蒞事南贛而  
公以季夏二十六日卒不及往哭焉歎也何如又越數年公幼子  
滿余姪學禮外父也因錄其狀介禮以問誌銘且曰吾父黃馘牖  
下非附青雲之士烏及後世哉夫蔡余之所德而公又予之所慕  
也敢以不文辭按公諱柳字季寧居面白鹿峯許孝子遺蹟在公  
懷之因豢一鹿以應所謂白鹿者甚馴借與出入遂號懷鹿焉其  
先世居河南固始後避亂遷於閩而有稟齊輩又復遷於溫而



必勝幼學輩何以遂爲東陽人也先幼學而有季遠者宦焉  
家焉也卜於邑南通儒坊尋遭兵火徙永寧之蓮塘最後徙鹿峯  
世有達者亦多隱德遞公蓋十三世矣公孟義公長子天分頗優  
不必踐迹而自以合道讀書了大義問以古今多知之嬉也愉也  
不知機鉤宛矣葛天無懷氏之民家自元季以來兵戈控僣賦役  
重懼立產業至父孟義公雖事開剗尙未擴充也公承先志旦夕  
效勤厥資遂裕田疇遍阡陌矣父晚得痼疾伏牀褥經年公衣不  
解帶侍湯藥未嘗暫離及革哀毀骨立幾不自持者後事妣胡朝  
女備修髓承甘旨服勞踰父存之日公弟二仲魯季慧有俠才同  
爨可三十年後以食指庶析業異居魯者賴以拊慧者亦心服不  
功也旣歷數年以已與季生息頗饒同捐橐以修葺祖居串後堂



治東西二廂樓已因明堂窄買蔬地倍廣之已又礪照垣樹門廳  
已又侂大門甃堂途及門外道不毫干費族衆也逾年季弟被仇  
誣起獄且病瘵累費千金不能白公極意周旋不憚問關又繼以  
一子俾爲扞申白其誣而後已族衆稱貸貧不能償屢爲毀券且  
好行其德益力佃者季玖所負甚多將鬻妻以償公聞止之曰若  
寧負吾貸吾不忍若夫婦生相離也遂蠲之歲己丑大稔麥斗價  
百錢人皆菜色懸釜不及夕公曰某幸有麥石二十餘在可備衆  
戶一儲也遂以散衆賴少濟焉又嵬人買粟者將及門遺其價厥  
情甚哀公核其實遂如所失與之粟故人知與不知皆稱長者有  
司屢辟鄉飲公曰旣隱矣焉用此嚙也苛禮爲屢辭不赴後巡  
院李廉舉耆德以誼民隱有司推轂公上承薦隨問直陳不切



病李甚重之加獎焉公生天順之庚寅四月距卒之年七

矣娶宋信國端獻公十世孫葛氏子五輝 美恭滿恭卽繼季弟

者女一適本邑李繡衣孫潛孫男十三 二長適谷溪李思

恭次卽適余姪學禮者以嘉靖甲辰十月 上墓本鄉海螺山

公不能詩晚忽夢一峩然者語之曰富貴龍頭客清高鶴背僊桂

開秋九萬桃熟歲三千以此卜之知公作善獲報必大且有後哉

是宜銘 上曰白鹿巍 上惟公允懷參鹿以應出入必偕孝友無忝

物亦馴哉堂構聿新箕裘以培惠流一方名重九垓枝芳葉秀桃

熟桂開我銘斯石匪曰塵埋

嘉靖三十五年歲在丙辰仲春上澣之吉

賜進士第大理寺左寺丞

眷生東厓虞守愚撰



鹿峯蔡府君配安人王氏合葬墓誌銘

余與東陽趙君宗南後先成進士共秉筆蘭臺者數年間有蔡氏  
恭與趙累世姻因錄父狀介禮以問誌銘忽<sup>七</sup>數月未有應日趙  
君將左遷楚臬去余尙校書中秘也當策遣時手狀轉咨于余<sup>七</sup>  
觀其所爲狀灑<sup>七</sup>數十言皆茂行也私實慕之故不辭不斐而直  
揭如左府君名惟挺字季通所居面鹿峯因以爲號其先世出陳  
畱三徙爲吳寧人而吳寧之宗赫著者自季遠公始十四傳至府  
君府君之生也胸有<sup>七</sup>疴羅列若北斗文識者卜其嘉問矣幼狀  
貌俊偉魁梧秉性穎卓常屈首治文人家言以所際齟齬卒徙業  
讀書初了大義日惟操奇羸問家人產於白圭計然之策稍<sup>七</sup>行  
之不二十載而先業用恢其富甲于東鄆稱素封焉君雖<sup>七</sup>



欲令已獨餘時出蓋藏之美以周人困乏無論里中朽腹  
賜君義聲嘖也即有馳驚四方糊口未遂者未有不延入相慰  
勞厚割橐加遺而後已以故士多爲游揚有令名君初難嗣允求  
當爲子者而繼以兄子恭慤懃注愛若已出也後其正生子鯨愛  
如之又後其貳生子鯉愛亦如之人或謂君曰若既舉子矣奚兄  
子爲君欣然笑曰客言何畛分而界別耶卒鼎足其產雖鐘釜不  
以私吾子而人咸誦府君憲度矣富府君時族沿古任樸君創起  
中葉以振飭家聲爲已任率子翁彬也質有其文構祠宇建禮儀  
設祭產若干畝伏臘有燕胡考有需公費錯出有賴歲時男女祭  
祀有胙臧獲輿馬隸褻之徒有供迄於今蔡之家政井然燭然大  
都皆府君擘畫力也君固起家田間而沉深好書蓋其天性恒自



自悔不及以射覆纏身蒞度巖藪每諸兒會食必曰丈夫生不能  
厠跡官家與草俱腐耳吾已矣若輩其念此毋守吾故武自雄也  
居閒如稗官野史之集無不搜覽其自奉則裋褐茹糲而已垂老  
卒七之歲爲嘉靖丁未九月望日壽七十八成化庚寅六月十四  
日其建生也娶王氏處妯娒以和相夫子以禮成化壬辰十一月  
十一日生壽八十二嘉靖癸丑九月初五日卒合葬白溪之海螺  
山總三子長允恭先娶虞繼娶郭次允鯨娶盧次允鯉娶胡一女  
適巍山趙祖燠孫永交永緯永琬永瑗永琇並書并銘之窆

銘曰

維君之生仁義附焉維君之死蘭桂森然鬱葱哉螺山之封億千  
萬年




昔

大明嘉靖三十五年歲次丙辰孟春之吉

賜進士出身右春坊右中允兼翰林院修撰四明元峯袁

瑋撰





附載

立賣契墓孫世元等今將亡山壹處土名坐落十七都小後山崗  
計山伍畝柒分正叁股拍壹的山壹畝捌分玖釐一直出賣與  
季邦季通二公爲業面受價銀伍兩正其銀即日收足其山恁憑  
收藉過戶並不執畱其雜木一并在內以爲永遠蔭庇風水恐後  
無據立下賣契存照

其山界上至潦基

其糧係白溪庄蔡洪夏戶付

乾隆拾貳年十二月

日

立契人世充

世元

世允

世光

代筆光推

其契房富九執








梯百廿七府君杜氏安人合墓

愷七房



萬壽堂宗譜

己光緒未重修





右墓坐落十七都土名外金釵


四保 一百八十四號 計民山三畝正內拍山一畝坐已向

亥

附葬

仁一百五十三府君

悌一百四十一府君





蔡處士墓誌銘

燭致政萑鱸是耽睹墅維樂姻家蔡子有原有志奉先世行狀囑  
叔父南喬乞予銘墓以誌不朽公係余叔祖母百七安人翁實南  
喬叔外大父也予沐叔祖母字受吾叔囑誼烏容辭謹按狀君諱  
惟魁字季弼行悌一百廿七姓蔡氏居東陽十六都之鹿峯系出  
季遠公後十一傳大父應垌父宗鎮妣孫氏公性渾樸生平惟本  
業自務無纖毫喬宇且課子以嚴訓女以順處兄弟以和接姻婭  
以禮凡親故有急難必竭力扶持人多以天民稱大都頌其德之  
長厚也娶本邑杜氏生四子女一長允焄次允燠允焮允煙孫十  
曾元孫幾五十零僉恂七守禮法克成立女卽適予大父司寇翁  
親第百七府君事姑孝治家肅始終罔怠處吾大之淑人恭肅坦



易無異一本司寇翁合壙記可攷生叔五或飛象一泮或揚譽于  
鄉子姓彬也幾滿百合二姓觀信得全也昌矣易之初九潛龍勿  
用九五則曰飛龍在天利見大人公之德蒸隱而未見行而未成  
因用大人之說爲吾公支庶期公生天順辛巳年十月十八日卒  
嘉靖癸未年十一月廿二日安人杜氏生天順辛巳七月十八日  
卒正德己巳五月廿八日合葬外金釵有年茲以宗譜再新刑部  
雖嘗以哀詞莫薦闕於墓銘叔父重因蔡子有原有志請予筆乃  
不辭而書

銘曰

嗟也碩人允也賢士巧藏於拙心忘於機名不升聞鄉邦信服擇  
配歸女郎鑑照燭蘭玉續紛有隆無替刻銘于茲昭百千禩



萬曆廿四年丙申春正月吉

賜進士第大中大夫雲南布政使司右叅政前湖廣按察司副使

奉

勅整飭辰常黍靖兵備工科給事中侍經筵講儀眷生

紹東虞德燭頓首拜撰

附祭弟蔡親家悌百廿七公文

嗟也公能素吾弟而衍吾支吾不能推吾弟而撫公之柩可勝悼  
哉遐想我公樸茂礪行恬澹植節義方課子卓有成立敬戒訓女  
樹吾閩赤處族黨詞貌恂也接姍媿禮箴抑也卽今身雖沒而美  
譽彰壽雖終而名不絕吾弟沐公之恩不能殫述續公而亡報圖  
何及生也奉勅而按南畿職難躬奠以展吾之悲咽而哭吾



第并薦一詞以發公之潛德神其不昧來瞻來格

饗


嘉靖四十三年春三月大理寺左寺丞

睿生東厓虞守愚撰





仲房三十九府君安人吳氏合墓



皇朝三才圖會

卷之六





右墓坐落十八都土名錢庵二保





蔡翁悌百三十九府君墓誌銘

謹按狀吾東邑鹿峯之蔡蓋自季遠公始季遠公拓跡已來世業  
細素起家若德澤恩澤天澤諸公連鑣以儒顯迨曰愷百十府君  
者尤善居室而佑啟益宏生三子其仲卽君也諱樛字季和別號  
懷泉行悌百三十九天昇樸椎投老不斲辭氣簡默卽斯須片語  
無枝平居跬步有常學舍之餘未嘗爲劇場戲埒長撫其素封庶  
務輻輳不免于甲乙其居君惟戀上姜被置家有于分外以是不  
恤居昆季後當是時俗以跌宕相雄不鳴張鷟悍必突梯絜楹以  
中厥私君獨每蹙額曰嗟夫末造之不占軼矣夫桔槔之智且不  
取于漢陰矧欲瀝其肝膈之精若是吾寧自繭不鑿混沌以速死  
家人胥知其有定性乃爲更優其私仍爲室潤屋蓋室氏義烏閭



右大元吳五七翁息也賢於中饋不是多以愆婦道先逝于府君  
者三十五年府君生成化丙戌三月十五日卒嘉靖己亥十月二  
十六日春秋七十有七吳生天順壬午十二月初三日卒宏治癸  
亥六月初三日春秋四十有二合葬本鄉錢庵之原二男子俱競  
爽豪俠以佐伯父季父之創垂長曰允翰娶前山胡氏次日允樵  
娶林頭何氏孫男五永璠娶劉氏永珩娶張氏永瑚娶張氏永瑤  
娶何氏永環娶胡氏孫女二一適十五都徐守一適長衢郭燭曾  
孫男有綱有紀有信有倫有忠有嘉有慶有薦有通有達有道有  
傳有位曾孫女二一適一都盧洪義一適十五都徐文英據其所  
見餘莫預焉嗚呼萬浪之中冷叢雲之濛茗非異人安知其味夫  
以蔡君之趨時人或曰其不競詎知其善葆以俟於厥後也其大



競也哉不佞嘗怪世俗之澆漓今顧君獨存羲皇已上風寧不爲  
之重擊節翰輦以余忝姻餘而知予意有在因屬爲撫其大概于  
隧道繫之以銘于不朽爰是勉爲搦管之如右云

銘曰


秘其真完其神雖物於物而勿塵于塵求之叔世于惟文人識諸  
厥藏可想見于千春

皆

嘉靖乙丑春三月望日

眷庄遠齋徐文相拜撰








梯百四十四府君葉氏安人墓

梅房



鹿野蔡氏宗譜



右墓坐落十七都土名鳳山二保計山五分正坐坤向艮

仁二百七十四安人莘氏附葬葉氏之左

十七都二保

八百四十三號

拍民地四分正

土名趙庄門前

八百四十四號

拍民地一畝正

土名趙庄

八百四十六號

民地六分二釐五毫

土名趙庄墻外

八百四十七號

民地三分六釐七毫

土名徐莊

八百四十八號


民地二分正

土名徐庄屋後

八百四十九號

民地二分正

土名徐庄屋後





庶母葉氏莘氏墓記

高祖鹿峯公三子長係入繼次嫡母土氏所生季一松公出於側室葉氏爲梅房之祖長次至二世俱已蕃衍惟一松公僅舉竹峯公一人娶盧氏無出亦以側室莘氏舉修竹公一人今曾元昌熾堪與長次二房匹美者皆二氏之所衍也三世三人而側出者居二向使嫡無樛木之仁而媵鮮小星之義安能延數世之孤而昌一房之後哉嫡之德之不可忘有當世名公贊誌足垂不朽而葉莘二氏無傳亦爲孫若曾之所隱痛也水木根源不能忘其所自謹誌其年譜於墓葉氏安人生成化丙午六月十二日享年七十有一卒嘉靖丙辰十二月八日葬鳳山之陽莘氏安人生嘉靖癸卯六月六日卒萬曆辛酉二月九日享年七十有九合葬葉母之



左蓋二母同其遇并同其墓而表其墓衍其慶是又在後之能興  
者是爲誌

嗣孫大夔茂選同識

附修竹公祀田遺記

余自三世以來熒也一身正所謂一線之箕裘幾斷而復續者也  
宦闕十年歸林三十餘載今年邁八旬有奇兒孫滿眼數指三百  
若不立一祀以承宗祖百世之源則後世未免襟裾故權將後田  
畝田八畝棗園地一片計租八十四秤半智仁勇三房輪流收管  
值祭以明一年春秋清明誕忌之晨聯存告朔之意耳毋得差錯  
怠惰倘異日賢子孫能開拓疆宇高大門閭光祖耀宗者則吾所  
願也汝輩須努力圖之以慰吾厚望云


嘉靖乙未季冬中浣之吉

八十叟修竹手勒



梯百四十六府君安人朱氏合墓

忠四房



皇朝通志卷之三十一

道光癸未重修





右墓坐落十七都土名金釵

共山十畝內拍一畝

梯百四十六公諱惟橋字季遵愷百十五公之次子生成化辛卯

五月十四日卒嘉靖丙午十二月廿七日安人朱氏生成化癸巳

二月初七日卒嘉靖戊申七月廿一日合葬墓圖


皆

康熙庚申年九月 日記



梯百六十六府君暨安人王氏合墓

愷六房



皇朝通志卷一百一十一


道光癸未重修





右墓坐落本都土名擲園頂向乙辛辰戌三保四百三十八號計山

地一畝九分四釐餘地二畝六釐 毫





均四十九府君之圖

崇二房



鹿耳門蔡氏宗譜

道光癸未重修





右墓坐落十八都土名西白蓬山

和三十七府君 張氏安人

誠五十三府君

誠百廿二府君

仁百七十五府君 陳氏安人

誠百廿八安人金氏

附叔廷冬 俱在上蔡棗園頭

皆

康熙庚申十月下浣之吉


嗣孫希高得選義同記





均百世八府君暨王安人合墓

元房



66



皇朝宗元宗普

道光癸未重修



右墓坐落十七都土名玉鞍山四保民山二畝正坐乾向巽





安山蔡翁暨配王氏安人墓誌銘

安山翁既卒十年于琿來徵墓誌與銘且曰嘉靖乙丑琿以援例北上先君卒不與含歛迨歸母氏又卒雖與含歛而不克一日供菽水承膝下歡終天之恨靡可云贖子爲我誌而銘之以表厥痛且用以光窀穸予憶辛亥之冬嘗拜翁於所居草堂翁觴之卜夜至竭膏無倦言訥氣肅對之悚然若邱山畢峙於坐上也迨隆慶辛未再過之乃於私第哭翁存亡之感儼然心目矧先妣蔡之自出而易敢以不文辭謹按翁諱允輝字叔明安山其別號也其先出蔡仲之裔世居陳畱唐僖宗時有乾三公者由光州之固始徙居赤湖分處莆田關山繼又徙於溫之平陽迨至有宋達人輩出而齊與襄俱以文章德行爲時師表其後曰必勝曰幼與者相繼



最顯始祖曰季遠中浙省元居東陽幕職愛其山水之味卜居新塘遂爲東陽人五世祖渠也生謨也生三子恩澤德澤天澤俱由邑庠長爲教諭幼爲麗澤山長俱徙永寧白鹿峯下世代以儒顯曰心傳元大德間爲江西廉訪副使弟偉舉至正鄉貢進士徵亨授岷之主簿英亨以禦寇功授萬戶迨我國朝高祖文滄以選貢補太學生三傳而及翁之父維邦公皆隱德弗耀翁維邦公之長子也秉性純白寡言自守擇人而交衆推爲長者事親孝謹父先逝母葛在堂性嚴毅稍不可意翁卽率諸弟羅跪請罪母愉悅諭起乃起母壽九十有五而終翁已七十矣猶哀毀骨立其葬其祭靡不曲盡其誠禮處兄弟則自竹馬競戲以至黃髮給背未嘗有所牴牾田廬惟其所擇一不與較有古薛包之風諭諸子以力學



諸孫稅長卽爲之延師館穀今皆馳譽士林有聲監胃虬蟠獲蟹  
騰騫有期孰非翁之貽穀哉翁雖居積以致饒裕而義所當爲者  
未嘗少恡族之孤寒賙而卹之殊無德色翼相厥考肯堂肯構家  
廟翼上咸出己資祀之常額或以充他費而祀不及舉卽以私畜  
克之祀畢舉并以燕族若翁者可謂達於張弛之宜矣配王氏出  
平章公之裔溫惠柔順曲當姑心歲時祭祀賓客之需必極其豐  
馥而自奉則甚約又躬爲紡絡織紝以率諸婦而翁之裕於家資  
者亦藉佐理之力焉翁生於成化丁未正月十二日卒於嘉靖乙  
丑九月初七日享年七十有九王氏生於宏治丁巳十二月初八  
日卒於嘉靖丙寅六月十五日享年七十子男四人長瑞娶巍山  
王氏次璧娶華溪虞氏三珽係邑庠生娶湖溪張氏幼瑛娶東山



孫氏女一適澱溪李思恭孫男十九人元吉娶北城徐氏元文娶  
葛氏元鰲娶王氏元善係太學生娶谷溪李氏萬善係邑庠生娶  
十五都徐氏元哲娶七都王氏萬美娶十五都孫氏元懋娶四都  
許氏元齡娶十五都徐氏元階娶巍山王氏元鯉娶城東韋氏萬  
義娶三都樓氏萬義娶巍山王氏萬華娶三都樓氏元和娶東山  
孫氏元卿元芳萬萃萬葉皆早逝曾孫三十四人若廷仁義禮威  
寅緒彥廉信正維纘培充奇坦謨祺祥禧雍育綬褒墀墉坎祐祊  
蛟祚墩坤城彬匕盛矣未可量也翁於四月廿八日合葬玉鞍山  
因爲之銘

銘曰

奕匕蔡胃衍自陳畱濬發於翁而豐其疇去藻敦樸不佞不求居



常則積宜散則流張弛以宜眇焉寡儔溫七厥配克佐以柔侘之  
儼之有雙其球鹿峯之陽蹲後蟠虬築爲元宮外曠中幽於焉同  
穴永嘏弗休

賜進士出身中憲大夫廣東按察司副使前山西道監察御史

甥王乾章拜撰








均一百三十四府君胡氏安人合墓

仲房



皇朝通志卷一百一十五

道光癸未重修





右墓坐落本都土名蘭坑後廣山四保四百八十號計山一畝坐辰  
向戌三保四百七十五號基田八分二釐墳前拜堂

右地在本都蘭坑土名後廣山其龍脉自青尖舒徐而來結穴小  
巧控虎峯面鳴鹿天馬峙其東一水襟其西乃均百三十四府君  
胡氏安人共窀穸于此焉按府君生平負氣椎魯少文胡氏亦能  
家有志操故其枝葉苗裔雖當凌夸之際往也 以所長見雄巧者  
鬪技勇者角力樸者負土自封智者握籌驚利冰清無少折節鳴  
呼源也本也所由來漸矣

皆

萬歷甲午仲春上浣之吉

眷生松屏徐文榮頓首記



槎山府君配安人郭氏合葬誌銘

吁嗚白鹿北隴之原望之鬱然松楸間者蓋蔡府君槎山並其匹  
郭安人所爲藏也府君爲懷鹿公亞子幼聰敏多智鋒穎時露其  
恬恃茂加異焉及壯貌岳立而內剛方臧獲以上無敢以褻見者  
事父母以孝聞懷鹿公常寢瘵禡食者兼時凡藥餌必親嘗而後  
敢進其周侍帷薄間歷寒燠無怠也母葛夙號嚴烈而府君極百  
順事之卽習見未嘗不夔<sub>匕</sub>修膝下容也以故最當葛意而居家  
治產不逐利詐衡量末技而因時消長亦得偶操其贏然不欲令  
已獨餘而動必市義老無依者給以食喪無葬者賻以棺貧無賴  
而逋負者輒毀其券或曰而不取償足矣何至除其券也府君道  
然笑曰彼貧而負我不得已耳我奈何以錙銖而令人匿影避我



聞者莫不哆口歎服初懷鹿公稔知府君才敏練事家政無鉅細  
什九委君匕王其家大者斧剽小者髮櫛井然就理也大都所擘  
畫者振肅光裕之計爲多當其時族且沿古少文而府君日與二  
三兄弟潤色先猷創規垂範不數年而文物彬匕起矣生平慷慨  
豁達羞爲一切巍瑣之行雖裋褐終身而沉深好儒蓋其天性鄉  
曲有鬪者必挺身爲分解剖其是非而曲直之卽強項輩未有不  
心厭氣攝也府君故常與朱氏某者稱善以被誣逮獄乃奮髯抵  
几起曰寃哉至此乎遂力爲辨明至累費不惜後朱竟垂死獲生  
且得全其家至今尚尸祝府君不替君頗優游家食自懷鹿公捐  
館舍日哀號沉悼苦塊未離而疾始大作一日先祖墓木爲厲風  
不祥府君心動曰兆豈在我是夜忽疾急復有鵩鳥至



